


Ke totcikatek okimakewinik kitaticikewiniwak



Kekwan ke ki kiskeritamekw e okimakaniwok

1

Epwamici nta okimakeiekw, nanakatcitakw e pitc masinasoiekw okimakemasinahikanik kaie ka ici tacikeiekw.

Tapwata tipatcimowinicih ohwe masinahikanik.

Kecpin wapitamonen kit icinikasowin ota masinahikanik ata ki masinason. Matci kaie ka ki nta nanakatcitan pamikicikowipitcikanik : www.electionsquebec.qc.ca/verifiez

Kecpin aka e masinasonen matci pitoc e itactek ka ici tacikein, ekoci masinahotiso matci kaie kitci meckotosanihikatek ka ici tacikein.

Ke ki totaman :

- Nico manactakina epwamici okimakaniwok, pamikicikowipitcikanik : www.electionsquebec.qc.ca/inscription ;

matci

- Ka ki ican ota taci ka ici masinatek masinahikanik. Arimatc ki ka wapitariwan ki karomak, e icinikasoiekw, pitc ka nitawikiekw kaie ka ici tacikeiekw.

*Mitowi : ki miparitcike karom
 akosi karo kirika ki takapikenika masinahikan
 sikihataso masinahikan kaie onimiskickoteapi masinahikan*

Nama ki kackitan kitci ntoweritaman kir tipirowe? Kiwitcican, kit iskwem, ki napem matci kaie ka witci tacikemisk kata ki ntoweritam kir otci nico manactakina epwamici okimakaniwok.

Akowir petakw!

Kecpin pitoc itactekwen e ici tacikein, nama ka ki okimakan okimakaniwoke.

Kitci ki okimakein :

- Awacamec 18 tato piponesiwonen;
- Kanata askik kitci ici masinasowin.
- Nikotwaso pisimwa esko takok kimikiwam Kepek askik;
- Aka e ki otci onitakaniekw kitci okimakeiekw*.

*Awik nama kata ki okimakew kecpin e ki wecketc ka kipe niarino piponikarik otananik matci kaie ka ki manimowakaniwitc osam aka e tiperimitisotc wir tipirowe.

2 Orerita pitc ke wi okimakein.

Pitc e okimakaniwok

Ekoni pitc kirowe e mitcetitcik ka otamirotcik kaie e mitceki taci e ici okimakaniwok kaskina otci ka okimaketcik.

Cakitato tipahikan acitc apita cetin nac asko nicitana tipahikan cetin taci ke nta okimakaniwok. New tipahikan ka tiperimikowiekw acteriw kitci kipitinikowiekw kitci ki nta okimakeiekw.

Ka nikani okimakaniwok

Nicw kicicko irikik e nikani okimakaniwok, matci miro icaniwon neki ka apitcitatcik ka torokaterik tetapiwakaniw.

E okimakaniwok ka ici mitatc okimakewiniw

Matci kaskina wiec kepek ka ki okimakan taci e ici acterik ka nikanipitc okimakewiniw. Peikon misowatc ka ki araw anaha ka ici masinasotc ka ici tacikein. Matci aric kineci kika pehon irikik e tacinaniwokw.

Nanakatcitakw tan apitc kaie taci ke ici icaiekw :

www.electionsquebec.qc.ca/vote-autre-circonscription.

Kotak ke ki totaman kitci ki okimakein

Kiskinohamatawamikok e okimakaniwok

Takono kiskinohamatawamikwa ka ici okimakaniwok (kitci kiskinohamatokamikwa, kice kiskinohamatowikamikwa) takono k eki ici okimakaniwoki. Matci ka ki okimakataw anaha ka tapwerimatc pecotcik ka ici tacikein.

Nanakatcita tan ite ke ki totaman kecpin ote matci :

www.electionsquebec.qc.ca/campus.

Pacitc kepek askik e okimakaniwok

Kecpin kotakik wic e tacikeiekw matci ka ki ntoweritenawow kitci icitacihimakowiekw okimake masinahikan. Matci ki ka ki nitoweritenawow epwamici matci kaie e matce okimakaniwok.

www.electionsquebec.qc.ca/exterieur

E okimakaniwok nehirowisi otenak matci kaie warowik

Tawok ka icatcik otci neki warowik ka taciketcik kitci ki okimakaniwonik. Matci wic kata ki totcikatew Kitci ki wetak e okimakaniwok. Aiamihikw ka mitatc okimakewiniw.

3 Kit akitakosin : ekoci okimake !

E okimakein, ki witcitan kitci aratc iskwew ka tapwerimatc matci kaie iriniw ka tapwerimatc.

E iti aitolcikatek e okimakaniwok

1. Kitci kiskerimikowiekw ki ka wapitariwan ki karomiwow :

- Kepek ki miparitcike karo
- Kepek akosi karo
- Kanada ki masinahi karo
- Ki nehirowisi karo
- Ki cimakaniwici karo

2. Kicawatcita masinahikanik kitci apatcitain masinahikanatikw ka mirikkowiin e okimakein. Tcipaiatikosinaha ka ici wawieiak anaha ka ici masinasotc ka wi okimakatc.



3. Kickina ki masinahike okimakan nosineta tcikahinikanica.

4. Pitaho ki masinahike karom ka ici actek kitci pitahaman.

Kitci ki okimakein, nama arimatc kika petan ka ki otitikowiekw, mitowi nte kimasinahike karom. Matci aric kika ki petan pekon kitci ki wetanik neta ka aotamirotcik

Kitci ki kiskerimekw ka masinasotcik ka ici tacikeiekw :

www.electionsquebec.qc.ca/candidatures.

Kaskina awik kitci ki okimaketc



Pitc e okimakaniwok, kaskina kekat kata takono ke ki miro pitikeparik ka apatatcik ka torokatek tetipiwakan, atita aric nama. Kecpin kicac wi nta kiskeritamonen kepitc kotc kitci ici pitakepariin, ekoci nta kinowapita ota www.electionsquebec.qc.ca/ou-quand.

Kecpin tca aka e takonokwen, itakapikenimowo ka mitatc okimakewiniw, kika tca witamakw taci k eki icain.

Ka ici nikani okimakaniwok takono kaskina kitci miro pitikaniwok neki ka apatcitatick ka torokaterik tetipiwakaniw.

Taci e ici okimakaniwok takono kaskina irapatciticikan kitci wetisiekw, mitowi masinahikanatikw ka mironikatek kirika aka ka wapitcik kaie ka waskorowek ka mikicinatecik. Akowir cakwerimok kitci ntoweritamoweiekw ka otamirotcik neta.

Kecpin ntoweritamewekwe kitci aitectamakowiekw aka ka petakik ntoweritamok wipatc anaha ka otamirotc.

Nama ka ki ican osam e akosiin ?

Matci ka ki ntoweriten kimikiwamik kitci taci okimakein matci anaha ka witcihisk omikiwamik. Ka witcihisk kewir kata ki okimakew, patam aric ka ki ici orapitcikaterik. Matci ka ki ntoweriten ka ici tacikeik matci kaie kit aricapimik kecpin kotc tacikewonen akosiwikamikok matci ka ici ntokohiwaniwok taci kotc e ici kanaweritakosiin. Nico manactakana epwamoci okimakaniwok arimatc kika kwetcikemon.

Tawok ka pa mitatcik okimakewiniw taci e ici kanaweritakosinaniwonik, ka ici ntokohiwaniwok matci kaie kice irini kiwamik ka kice atisicik otci. Kecpin aka tawakwen, nico minactakana epwamoci okimakanowok ka ntoweriten kitci ki icatcik.

Coria kaie okimakewin

Kecpin actekwen kitci okimakein, matci ka ki kipitinen:

- **Asko 100\$ papeiko pipona** tan kotc e ici tapwetak anihi okima arotakana ka acterik kitci okimakowakaniwitec, kaie nehi kotakihi arotakana ;
- **Awacamec 100\$** kecpin ka kitci okimakaniwok, nac asko 200\$

Anaha ka masinohekw matci atcipariniw coriak itekera irikik e apatcitatc Ekote tca, tekci tapictowakaniwiniw irikik e ki tcakihatc. Ka wi okimakatakaniwitecik matci kewirowow mirakaniwok peiko pipona irik. Ekote, witcihiko tca anaha ka ki okimakatatc kitci nosinetatc otamiroin misowatc aka e kanewitec.

Kowisk kitci icinakok, kaskina tapickotc irik acteriw kitci tcakihatcik coriarw neki ka wi okimakatakaniwitecik. E ickwa okimakaniwok, acteriw kitci wapatarietcik irikik ka ki apatcitatic coriarw kitci nanakatcitakaniwonik epitc ki kicteritamowakwen e ki irakonikatek. Wetci ki irakonikateki tapickotc e acterik kitci kanewitecik e okimakaniwonik.

Irin ka tipatcimotc okimakewinik

Élections Québec mitaw nama aric witcihew nehi ka wi aritorisitci tepirak wectaw. Wewerita actaw kitci ki kowisk icinakonik e okimakaniwonik. Tekici e mi aitotcikatek nanakatcitakaniwoniw, nac e mi akitasonaniwonik. Mekwatc e nisawinaniwok e okimakaniwok, matci arotc kekocic itoniwon, kiraskinaniwon. Matci tca nama ka wi okimakan matci kaie arotc awik ka okimakataw.

- Wewerita nanakatcita awin ka tipatcimotc epwamoci kotak awik witamowotc.
- Akawir cakwerimo kitci natowi kiskeritaman kekocic e wapitaman pamikicikowipitcikanik, kirowe ma nte e osameritakok.
- Kaskina wec nantowapata tipatcimowin kitci ki m
- Ekoci mikowiikw kinokepatcikan e apatisitc nama mocak tipirowe irin e itoniwok tapwemakan.

Kitci ki miskamekw tipirowe tipatcimowin otci e okimakaniwok, Ekoci Élections Québec, enko ka miwotatc tapwe tipatcimowiniw. Akowir cakwerimok kitci pe arimoweiekw !

Ke mi miro okimakecitcik

Matcerikw kinitcaniciwawa !

Kicatc kitci kiskeritakik kinitcaniciwaw e actakaniwoki taci ke ki taci okimakecitcik pitc e okimakaniwok kaie ka nikani okimakaniwok. Niskamowokw kokwetcikemowiniw e ici kicteritatakonik awik e oreritak.



www.electionsquebec.qc.ca

1-888-ELECTION (1-888-353-2846)



electionsquebec